

Ո Ր Ո Շ ՈՒ Մ

Վարչական իրավախախտումների գործերով գանգատներն առանց
բավարարման, իսկ որոշումներն անփոփոխ թողնելու մասին

25.04.2019թ. 17-2-1797
26.04.2019թ.

ք.Երևան

Ճանապարհային ոստիկանության պետ, ոստիկանության գնդապետ Եգոր
Կարապետյան, վերանայելով Արման Մանուկյանի դիմումի շուրջ ստեղծված նյութերը,

Պ Ա Ր Զ Ե Ց Ի

2019թ. մարտի 27-ին Երևան քաղաքի Սվաճյան 32 շենքի 31 բնակարանի բնակիչ Արման
Մանուկյանը դիմումով հայտնել է, որ համաձայն չէ իր նկատմամբ կայացված ԱԴ թիվ 841833
և 754855 որոշումների հետ, քանի որ եղել է ամրակապված և ԱԴ թիվ 809116 որոշման հետ,
քանի որ երթևեկել է Հանրապետության հրապարակով և կայանել ավտոկայանատեղիում:

Դիմումի ուսումնասիրությամբ պարզվել է, որ 25.03.2019թ. ժամը 11.25-ին Երևան
քաղաքի Գրիգոր Լուսավորիչ փողոցում քաղ.Արման Մանուկյանի կողմից վարած
«Մերսեդես» մակնիշի 35 LG 570 հաշվառման համարանիշի ավտոմոբիլը կանգնեցվել է
ճանապարհային ոստիկանության ուղեկցող սպայական վաշտի 1-ին սպայական դասակի
ավագ տեսուչ, ոստիկանության մայոր Խ.Գրիգորյանի և նույն դասակի տեսուչ,
ոստիկանության կապիտան Է.Մախմուրյանի կողմից՝ ՃԵԱԱՄՕ-ի խախտման համար, այն է՝
վարորդն ավտոմոբիլը վարել է անվտանգության գոտիով չամրակապված վիճակում:
Վարորդի նկատմամբ կազմվել է վարչական իրավախախտման վերաբերյալ
արձանագրություն և, համաձայն ՀՀ ՎԻՎ օրենսգրքի 123.3-րդ հոդվածի, կայացվել է ԱԴ թիվ
841833 որոշումը՝ 5.000 ՀՀ դրամ տուգանելու մասին:

Դիմումում նշված հանգամանքների շուրջ պարզաբանումներ տալու նպատակով՝
քաղ.Արման Մանուկյանը հրավիրվել է ՃՈ ՃՊԾ բաժին, որտեղ պնդել է դիմումով հայտնած
հանգամանքները, խնդրել հետազայում դիմումը քննարկել և գրավոր պատասխանել:
Վերջինս նշել է, որ տեղեկացվել է իր նկատմամբ կայացված ԱԴ թիվ 809116 որոշման դեմ
գանգատարկում ներկայացնելու համար նախատեսված ժամկետը բաց թողնելու մասին:

Ըստ ծառայողների գրավոր բացատրությունների՝ Երևան քաղաքի Գրիգոր Լուսավորիչ
փողոցում նկատել են, որ «Մերսեդես» մակնիշի 35 LG 570 հաշվառման համարանիշի
ավտոմոբիլի վարորդն երթևեկում է անվտանգության գոտիով չամրակապված վիճակում:
Սահմանված կարգով կանգնեցնելուց հետո տեսուչ Մախմուրյանը մոտեցել է վարորդին,
ներկայացել, հայտնել կանգնեցման պատճառն ու պահանջել փաստաթղթերը: Վարորդը չի

ընդունել իր կողմից իրավախախտում թույլ տալու փաստը, սակայն, հաշվի առնելով, որ խախտումն եղել է ակնհայտ, պարզ տեսանելի և անմիջապես ծառայողների տեսադաշտում՝ Արման Մանուկյանի նկատմամբ կազմվել է վարչական իրավախախտման վերաբերյալ արձանագրություն, որից հետո վերջինս ծանոթացել է դրա բովանդակությանը, նշել իր առարկությունը, այնուհետև, որոշում կայացնելուց հետո ստացել է որոշման իր օրինակն ու փաստաթղթերը և հեռացել:

Դիմումի ուսումնասիրությամբ պարզվել է նաև, որ 19.02.2019թ., ժամը 13:45-ին Զանրապետության հրապարակում քաղ.Արման Մանուկյանի կողմից վարած «Մերսեդես» մակնիշի 35 LG 570 հաշվառման համարանիշի ավտոմոբիլը կանգնեցվել է ճանապարհային ոստիկանության ճՊԾ 1-ին սպայական գումարտակի 3-րդ սպայական դասակի տեսուչներ, ոստիկանության կապիտան Զ.Աբրահամյանի և ոստիկանության ավագ լեյտենանտ Վ.Գրիգորյան կողմից՝ ճԵԱԱՄՕ-ի խախտման համար, այն է՝ վարորդն ավտոմոբիլը վարել է անվտանգության գոտիով չամրակապված վիճակում: Վարորդի նկատմամբ կազմվել է վարչական իրավախախտման վերաբերյալ արձանագրություն և, համաձայն ԶՀ ՎԻՎ օրենսգրքի 123.3-րդ հոդվածի, կայացվել է ԱԴ թիվ 754855 որոշումը՝ 5.000 ՀՀ դրամ տուգանելու մասին:

Ըստ ծառայողների գրավոր բացատրությունների՝ Զանրապետության հրապարակում նկատել են, որ «Մերսեդես» մակնիշի 35 LG 570 հաշվառման համարանիշի ավտոմոբիլի վարորդն երթևեկում է անվտանգության գոտիով չամրակապված վիճակում: Սահմանված կարգով կանգնեցնելուց հետո տեսուչ Աբրահամյանը մոտեցել է վարորդին, ներկայացել, հայտնել կանգնեցման պատճառն ու պահանջել է փաստաթղթերը: Վարորդն ընդունել է իր կողմից իրավախախտում թույլ տալու փաստն և հայտնել, որ նոր է շարժվել, սակայն, երբ տեղեկացել է, որ արձանագրություն է կազմվելու, չի ընդունել իրավախախտում թույլ տալու փաստը: Հաշվի առնելով, որ խախտումն եղել է ակնհայտ, պարզ տեսանելի և անմիջապես ծառայողների տեսադաշտում՝ Արման Մանուկյանի նկատմամբ կազմվել է վարչական իրավախախտման վերաբերյալ արձանագրություն, առաջարկվել է ծանոթանալ դրա բովանդակությանը, սակայն վերջինս հրաժարվել է և ստանալով միայն իր փաստաթղթերը՝ հեռացել է:

Համաձայն «ճանապարհային երթևեկության անվտանգության ապահովման մասին» ՀՀ օրենքի 17-րդ հոդվածի՝ ճանապարհային ոստիկանության ծառայողը պարտավոր է տրանսպորտային միջոցը կանգնեցնել, եթե ակնհայտ կամ տեխնիկական միջոցների օգտագործմամբ երևում է, որ վարորդը խախտել է ճանապարհային երթևեկության կանոնների պահանջները: Նույն հոդվածի 8-րդ մասի համաձայն՝ երթևեկության սահմանված արագության գերազանցման և տրանսպորտային միջոցների ապակիների լուսաթափանցելիության սահմանված չափի խախտումների համար պատասխանատվություն է առաջացնում, երբ տվյալ խախտումը փաստարկված է համապատասխան տեխնիկական միջոցների կիրառմամբ:

Այսպիսով, քաղ.Արման Մանուկյանի արարքներում առկա են Վարչական իրավախախտումների վերաբերյալ ՀՀ օրենսգրքի 123.3-րդ հոդվածով նախատեսված իրավախախտման զանցակազմերը, ուստի, ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Արման Մանուկյանի դիմումը թողնել առանց բավարարման, իսկ ճանապարհային ոստիկանության ՃՊԾ 1-ին սպայական գումարտակի 3-րդ սպայական դասակի տեսուչ, ոստիկանության կապիտան Հ.Աբրահամյանի կազմած վարչական իրավախախտման արձանագրության հիման վրա 19.02.2019թ. կայացված ԱԴ թիվ 754855 որոշումը՝ Արման Մանուկյանին հինգ հազար դրամ տուգանելու մասին՝ անփոփոխ:
2. ճանապարհային ոստիկանության ուղեկցող սպայական վաշտի 1-ին սպայական դասակի ավագ տեսուչ, ոստիկանության մայոր Խ.Գրիգորյանի կազմած վարչական իրավախախտման արձանագրության հիման վրա 25.03.2019թ. կայացված ԱԴ թիվ 841833 որոշումը՝ Արման Գրիգորյանին հինգ հազար դրամ տուգանելու մասին՝ թողնել անփոփոխ:
3. Սույն որոշման օրինակներն ուղարկել ճանապարհային ոստիկանության ՎԳ բաժանմունք և դիմումատուին:
4. Սույն որոշումը կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:

Կատարող՝ Գ.Օհանյան
011-567944



Ե.Կարապետյան